



〈观作作者品<sup>1</sup>〉第八

问曰：现有作、有作者、有所用作法，三事和合故有果报，是故应有作者、作业。

答曰：上来品中破一切法皆无有余。如破三相，三相无故无有有为，有为无故无无为；有为、无为无故，一切法尽无作、作者。若是有为，有为中已破；若是无为，无为中已破，不应复问。汝著心深故，而复更问，今当复答：

112

决定有作者，不作决定业；

决定无作者，不作无定业。<sup>2</sup>

若先定有作者、定有作业，则不应作。若先定无作者、定无作业，亦不应作。何以故？

<sup>1</sup> 一、清辨，《般若灯论释》作〈观作者业品〉。  
二、安慧，《大乘中观释论》作〈观作者作业品〉。

<sup>2</sup> 一、《般若灯论释·观作者业品》云：  
若有实作者，不作有实业。  
若无实作者，不作无实业。  
二、《大乘中观释论·观作者作业品》云：  
作者若有实，亦不作实业。  
实所作无故，无所作差别。





决定业无作，是业无作者；

定作者无作，作者亦无业。<sup>3</sup>

若先决定有作业，不应更有作者，又离作者应有作业，但是事不然。若先定有作者，不应更有作业，又离作业应有作者，但是事不然。是故决定作者、决定作业，不应有作业；不决定作者、不决定作业，亦不应有作。何以故？本来无故。有作者、有作业，尚不能作，何况无作者、无作业？

复次，

若定有作者，亦定有作业，

作者及作业，即堕于无因。<sup>4</sup>

<sup>3</sup> 一、《般若灯论释·观作者业品》云：

有实者无作。业是无作者。

二、《大乘中观释论·观作者作业品》云：

有业无作者。无实所作故。

有作者无业。作者亦无实。

<sup>4</sup> 二、《般若灯论释·观作者业品》云：

业及彼作者，则堕于无因。

三、《大乘中观释论·观作者作业品》云：

若实有作者，亦实有作业；

作者及作业，二俱堕无因。





若先定有作者、定有作业，汝谓作者有作，即为无因：离作业有作者、离作者有作业，则不从因缘有。

问曰：若不从因缘有作者、有作业，有何咎？

答曰：

115 116 117

若堕于无因， 则无因无果，

无作无作者， 无所用作法。<sup>5</sup>

若无作等法， 则无有罪福，

罪福等无故， 罪福报亦无。<sup>6</sup>

若无罪福报， 亦无有涅槃，

诸可有所作， 皆空无有果。<sup>7</sup>

<sup>5</sup> 一、《般若灯论释·观作者业品》云：

无因义不然， 无因无果故。  
作及彼作者， 作用具皆无。

二、《大乘中观释论·观作者作业品》云：

若有果无因， 因即非道理。  
作作者无体， 作用不和合。

<sup>6</sup> 一、《般若灯论释·观作者业品》云：

法非法亦无， 作等无体故。  
若无法非法， 从生果亦无。

二、《大乘中观释论·观作者作业品》云：

若无法非法， 所作等无体。  
法非法无故， 从生果亦无。

<sup>7</sup> 一、《般若灯论释》：无对应偈颂。





若堕于无因，一切法则无因无果。能生法名为因，所生法名为果，是二即无。是二无故无作、无作者，亦无所用作法<sup>8</sup>，亦无罪福。罪福无故，亦无罪福果报及大涅槃道，是故不得从无因生。

问曰：若作者不定，而作不定业，有何咎？

答曰：一事无，尚不能起作业，何况二事<sup>9</sup>都无！譬如化人以虚空为舍<sup>10</sup>，但有言说，而无作者、无作业<sup>11</sup>。

二、《大乘中观释论·观作者作业品》云：

无果无解脱，亦无生天道；  
非唯生天道，解脱道亦无。

<sup>8</sup> 无所用作法：是说所作的资具也不可得。

<sup>9</sup> 二事：义谓作者及作业。

<sup>10</sup> 舍：拼音 shè，〈名〉房屋、住宅。

<sup>11</sup> 《摩诃般若波罗蜜经·善达品》云：

[须菩提白佛言：“世尊！云何菩萨善达诸法相？”

佛告须菩提：“譬如化人不行淫、怒、痴，不行色乃至识，不行内外法，不行诸烦恼结使，不行有漏法、无漏法、世间法、出世间法、有为法、无为法，亦无圣果；菩萨亦如是，无有是事，亦不分别是法，是名达诸法相。”

须菩提言：“世尊！化人云何有修道？”

佛言：“化人修道不垢、不净，亦不在五道生死。须菩提！于汝意云何？佛所化人有根本实事，有垢、有净不？”

须菩提言：“不也。佛所化人无有根本实事，亦无垢亦无净，亦不在五道生死。”

“如是，须菩提！菩萨摩诃萨善达诸法相亦如是。”

须菩提言：“世尊！一切色如化不？一切受、想、行、识如化不？”

佛言：“一切色如化，一切受、想、行、识如化。”

“世尊！若一切色如化，一切受、想、行、识如化，一切法如化，化人无受、无受、想、行、识，无垢无净，无五道生死，亦无解脱处，菩萨有何等功用？”

佛告须菩提：“于汝意云何？菩萨摩诃萨本行菩萨道时，颇见有众生从地狱、饿鬼、畜生、人、天中得解脱不？”

须菩提言：“不也，世尊。”

佛言：“如是，如是，须菩提！菩萨摩诃萨不见众生从三界得解脱。何以故？菩萨摩诃萨见知一切法如幻、如化。”]

